

Minister Benny Sevinger:

Servicio di tram lo conecta e publico cu tres “parkeer garashi” pa laga nan auto

ORANJESTAD (AAN) – Minister di Infraestructura, señor Benny Sevinger, a indica den entrevista cu Matutino DIARIO, cu e tram no a bin sin cu un estudio tocante con pa rebiba Caya Grandi, a wordo haci.

Esaki pa dune un chens pa

florece y bira un centro di ciudad dinamico atrobe. Den esaki a constata tres problema cu tin di haber cu transporte publico.

Un di nan ta stacionamento di auto. Hopi hende kier para nan auto si ta posible dilanti di tienda, riba acerca of unda cu ta, y otronan

no kier laga nan den parkeer pa miedo di adictonan cu ta kibra den auto.

E sistema di tram ta bin combina cu sistema di parkeer garashi di cual tin proyecta tres den centro di ciudad ubica banda di termina di Arubus, otro na ex-Tivoli y un mas na final

di Caya Grandi y e tram lo conecta e tres stacionamentonan aki.

Cu otro palabra e personanan cu ta traha den e area di ciudad por staciona nan auto den un of otro di e parkeer garashinan aki, subi tram pa yega nan trabao y despues di trabao

tambe subi tram pa yega na e stacionamentonan busca nan auto.

Mescos e publico cu ta bin haci compra den ciudad por para nan auto den cualkier di e tres puntonan aki pa un, dos of mas ora depende di e tarifa cu nan ta bay cobra, mescos cu lo por haci uso di e parkeer meters.

E di dos problema cu gobierno a constata, ta cu tin 800 cien mil turista cu ta yega Aruba via e industria di crusero, y cu nan no ta cana ni un di tres parti di Caya Grandi pa dos motivo: uno cu e ta leu y dos cu nan no tin seguridad di unda nan ta bay y con ta yega na final di Caya.

E dignatario a subraya cu e tram ta duna e turista e confianza cu e ta bay den centro y si e kier ta baha haci compranan y e ta bay back na waf.

E otro grupo di turistanan ta esnan “stay over” cu ta bin cu bus den centro di ciudad, y cu por baha na Arubus y subi e tram pa bay den centro di ciudad.

E gruponan potencial grandi aki di turista ta bay wordo encurasha pa subi e tram y bishita di punta pa punta nos ciudad.

Tambe gobierno ta mirando e posibilidad pa esnan cu ta bay haci tour cu nan por subi bus na waf y baha na waf, cu den futuro nan por subi bus na waf y wordo baha na final di Caya Grandi, y si nan kier por cana te e waf of por subi e tram pa bay waf back. Nan por haci nan compranan tambe pasobra tin ocho parada, y e turistanan por calcula cuanto nan por cana y cuanto tempo nan tin disponible, y den cual parada nan ta subi e tram.

**Telefonan
di
DIARIO
582-6747
Fax:
582-8551**